

Tassaavit inuussutissarsiornermut siunnersortissarput?

GrønlandsBANKENip Nuummi qullersaqarfiani inuussutissarsiornermut immikkoortortaqarfia alliertupiloorpoq. Taamaattumik soqutiginnilluartumik inuussutissarsiornermut siunnersortissarsiorpugut qaffasissumik siunnersuisinnaasumik.

Inuk pineqartoq ineriartornitsinnut pitsaasumik sunniuteqarsinnaasuusaaq sullissallu pitsaasumik misigittinneqarnissaat siunnerfigilluinnarlugu sullissinissaq isumannaarniagarissallugu inuussutissarsiortutut sullissatta tuniniaaviginerini, sullinnerini siunnersornerinilu ilisimasaqarluarluni sullissinermigut.

Makku suliasarissavatit:

- Aningaaseriviup inuussutissarsiuteqartut sullissai sullittassallugit, tamatuma ataani siunnersorlugit, isumagalugit aammalu suliffeqarfinnut annernut, akunnattunut minnernullu taarsigassarsisisarnerit isumagisassallugit
- Nammineq ornigulluni tuniniaasassalluni ingerlanniakkanillu nutaanik aallartitsisassalluni
- Immikkoortortaqarfiullu suliarisaanut allanut peqataasassalluni

Naatsorsuutigaarputtaaq illit:

- Aningaasarsiornermut ilinniarsimasuussasutit, ajuungissaaq HD ilinniarsimagukku
- Inuussutissarsiornermut attuumassuteqartut iluini siunnersuinermik suliaqarnermillu misilittagaqarluassasutit
- Pitsaasumik sullissiumasuussasutit avammullu ammasuullutit – ulapikkaluaraangavillu qungujulaarsinnaasuussasutit
- Namminersorlutit akisussaassuseqarluartumillu sulisinnaassaatit

Neqeroorutigaarput

Sullivik kajungernartuullunilu aningaasarsiarissaarfiusoq aningaaserivimmi inuttut piginnaanertigullu ineriartorluarnissamut periarfissaqartitsilluarfiusumi. GrønlandsBANKEN sulliviuvoq ulluinnarpalaartumik akunnermi ingerlatsiviusoq, aallaavigalugit naleqartitagut: Aallusineq – ileqqorissuseq –sullissanut sammisuuneq aammalu ineriartornermut sammisuuneq. Suliffinni suleqatigissavatit inuit suliaminnut soqutiginnilluinnartuusut illillu ullut sullivitit annertuumik nammineq sunniuteqataaffigisinnaassavatit.

Atugassarititaasut

Atorfininnermi tunngaviusaaq Nunatsinni Sulisitsisut Finansforbundillu akornanni isumaqatigiissutaasoq. Aningaaserivillu inissamik neqerooruteqarsinnaavoq aallaavigalugit Namminersorlutik Oqartussat maleruaqqussusiaat. Taaneqartut saniasigut atorfinittup angalerneranut pequtiminillu nassiussineranut tunngasut maleruaqassiat atuuttut naapertorlugit ingerlanneqassapput. Siunnerfiuvoq ikinnerpaamik ukiut pingasut atuuttussamik atorfinitsitsinissaq. Atorfik piaarnerpaamik inuttarserneqarusuppoq.

Qinnuteqaat

Atorfik pillugu apeqqutit saaffiginnissutigineqarsinaapput uunga inuussutissarsiornermi pisortaq Lars Gaasvig-mut oqarasuaat normu **+299 347770** immaqaluunniit mail-mik allalluni uunga: **lga@banken.gl**. Qinnuteqarnermut tunngasut apeqqutigiumasallu nalinginnaanerisut uunga saaffiginnissutigineqassapput: Sulisoqarnermut pisortaq Patricia Lund Olsen oqarasuaat normu **+299 347804** / allalluniluunniit uunga **plo@banken.gl**.

Tusarfiginissat qilanaarivarput.